

recesserat a fratribus suis, sœdusque percutserat cum rege Asor : Sisara vero habens ex illa obligacione fiduciam, divertit ad tentorium Haber. Rogavit ergo Jahel, ut ipsum celaret, ac poculum daret : dedit et Jahel ei lac, ut gravius obdormiret : ipsa vero tempora dormientis usque in terram clavo tabernaculi perforavit ⁶⁶. Vide, si rea est proditio-
nis, qui misero transfluge quærenti subsidium secu-
ritatem præstiterat dormiendi. Sed, ut verbo Job
utar, umbra umbram protegit ⁶⁷, similis excusat
similem nec eam excuses, si præditionis facinus
atroreres. Verum, licet factum illud fuerit impium,
habet tamen in se venerabile sacramentum. Ex-
pressa vero similitudinis forma posset item mysticæ
significationis beneficio excusari, quod Cain fra-
trem suum occidit ⁶⁸, quod Judas cum sua nuru
concubuit ⁶⁹, quod David uxorem alienam rapuit ⁷⁰,
quodque ipse Urim ⁷¹, et quod Joab Abner ⁷² et
Amasa ⁷³ præditoris interfecit. Nec intellige sa-
cram Scripturam Jahel specialiter præconiis extu-
lissee, sed Deum, qui per feminam salvaverat Israel,
miraculose concludens in manu feminæ inimicum.
Frequens est etiam in sacro eloquio, ea quæ bona
sunt in mala, et ea quæ mala sunt in bona signifi-
catione accipi, ita ut sermo historicus semper salu-
briter famuletur intelligentiæ sacramenti. Samson,
qui interpretatur sol, Dominino consecratus, et qui
figuram Christi sœpe in sacro eloquio gerit, peccatoris
tamen figuram exprimit, ubi scilicet a Dalila,
id est carnali concupiscentia funibus peccatorum
ligatur, et eo converso ad poenitentiam, atque insi-
liente in eum spiritu Domini vincula relaxantur ⁷⁴.
Urias innocens vir et justus, typum diaboli repræ-
sentat, ubi pro uxore sua occiditur ⁷⁵. Babylonia
vero in idolatriæ peccato flagitiosa, dilecta Domini
quandoque vocatur ⁷⁶ : et per Saulem, licet fuerit
inobediens, contumax, temerarius et præsumptor,
Christus Dei Filius figuratur. Rursum, dum opus-
cula nica venenoso dente invidiæ mordicando di-

A vellis, me inter cætera gratiam et liberum arbitrium
commiscere et confundere blasphemando subgrun-
nis. Et ego quidem considerer assero liberum arbitri-
um ita inniti et pendere de gratia, ut benignitas
Dei merito non præjudicet, et liberæ voluntati gra-
tia non præscribat. Licet enim dicat Apostolus :
Justificati enim estis gratis ⁷⁷, id est per gratiam,
neminem tamen abnuit salvari per fidem. Dico au-
tem, quod gratia liberum arbitrium eximuit a jugo
peccati, ut voluntas sanata jam non in vacuum gra-
tiam Dei cooperantem recipiat, sed seipsam ad ac-
tum beneficio adjuvantis exerceat, veluti, si quis
luto infixus se inde expedire sine ope aliena non
possit, si ab aliquo liberatur, ipso liberatore du-
cente et adjuvante expedite incedit. Licet ergo dic-
tatur aliquis ex fide salvari, totum tamen est ex gra-
tia, sine qua nemo credit. Unde Augustinus in
epistola ad Sixtum dicit quod gratia est remissio
peccatorum ; nec eam præcedunt merita, quia gra-
tia non esset, si redderetur ex meritis, aut non
esset gratuita. Ad Bonifacium vero scribens ait,
quod Apostolus dicit : *Justificati estis gratis*, hoc
dixit ideo, ne fides superba sit ; si autem ex fide,
quomodo gratis ? quod enim meretur fides, cur non
potius redditur, quam donatur ? Sed respondet Apo-
stolus : *Quid habes quod non accepisti* ⁷⁸ ? Fides
itaque agetur per gratiam, ut in gratia magistrante
voluntas obsequatur, et obsequens operetur. Tu vero
Proteo monstruosior, nunc totum ascribis gratia,
et meritum evanescas, nunc exinaniero gratiam to-
tum merito attribuis, et in primo hæresiu Mani-
chæi, in secundo blasphemiam Pelagianam incurris.
Sic errorum veterum cineres jam sopitos iterum su-
scitas, et dogmata damnata solemniter quasi lignorum
materiam tibi ad æternum incendium coacervas. Haec
omnia decreveram prosequi lima correctionis, aut
persequi novacula damnationis in hoc opere meo, se-
i occupationibus variis aliis revocatus totum hoc
vacatori tempori et liberiori disputationi reservo.

⁶⁶ Judic. 4. ⁶⁷ Job 40. ⁶⁸ Gen. 4. ⁶⁹ Gen. 38.
⁷⁰ Judic. 16. ⁷¹ II Reg. 11. ⁷² Isa. 21. ⁷³ Rom. 3.

⁷⁴ II Reg. 11. ⁷⁵ Ibid. ⁷⁶ II Reg. 2. ⁷⁷ II Reg. 20.
⁷⁸ I Cor. 4.

FRAGMENTUM

EPISTOLÆ DE SILENTIO SERVANDO.

Silentium teneas ; quia, secundum Isidorum, cu-
stos est omnium virtutum. Cum tibi licet loqui,
magis elige silencio, si vis pacem cordis habere.
Cum debueris loqui, in mansuetudine præpara ani-
mum tuum, ne cum impetu loquaris. Non sis prom-
ptus ad loquendum ; sed multum custodi, cui, et

D quid, et de quo, quomodo, ubi, et quando loquaris.
Cave, omnibus modis, ne sis alicui scandalum, vel
occasio scandali. Cave ne in ira ejusdam dicta vel
facta reprehendas. Cave ne consilium bonum despici-
cas, et sensu tuo nunquam multum credas. Re-
prime iram in quantum potes, ne aliquando appa-

reat in vultu, in moribus, in verbis. Noli de absen-
tibus loqui; etiam bona, quia de facili intermiscent
se mala. Reputa et minus scientiam, minusque bo-
num. Non des consilium priusquam requiratur.
Non eas ad consilium, nisi vocatus. Si quis de ali-
quo malum dixerit, de facili non credas ei. Non
libenter audias, quia ex hoc crescit tibi charitas.
Oculos vagos non habeas. Caput et alia membra a
levi motu custodias. Prælatis tuis acquiescas; et in
ordinationibus suis, quæ non attendunt dissolu-

A tionem, eis non resistas. Labora totis viribus cu-
stodire cor tuum. Voluntatem tuam voluntatibus
aliorum subjice. In mente tua diem judicii revolve,
poenas inferni, passionem Christi, gaudia cœli. Stude
omnia opera tua coram Deo facere, et ad ipsius
referre. De ordinatione et dispositione quæ ad te
non spectant, ne temere discutias. Privatum amorem
a te repellas. Et studeas te benignum et obsequio-
sum in omnibus exhibere, etc.

LIBELLUS DE ARTE DICTANDI.

*Incipit prologus magistri Petri Blesensis, archi-
diaconi Ecclesiae Bathoniensis, in libellum De arte
dictandi rhetorice.*

Licet magistri Bernardi de dictaminibus liber
prudenter sit pertractatus, delicatis tamen et minus
districtis lectoribus perplexæ prolixitatis dicitur ar-
guendus. Turonenses etiam magistros dictandi sci-
entiam in summulas redigentes nihil perfectum ass-
serunt scripsisse. Unde sit ut tam bene condita
quæ insipida fastidentes ad mensam philosophie
lautis refertam ferculis siccis dentibus emarcescant.
Eliminatis igitur tantæ parcitatis conviviis, avidos

B magistri Bernardi et Turonensium sequaces nec non
et Romanæ cancellarie notarios ad suas epulas
invitanus, ut ea, quæ divisim paraverunt cum sol-
licitudine, summa hilaritate communiter epulentur.
Formulam vero dictandi, secundum prædictos dicta-
toriæ professionis dictatores, rudibus ad instructio-
nem proiectis ad memoriam tradere destinamus.

CAP. I. De divisione dictaminum.

Dictaminum aliud metricum, aliud prosaicum, de
quo specialiter tractare intendimus, etc. [Tracta-
tum hunc, ex operibus Bernardi et al. confessum, nec
quidquam novi in se habentem, omitto.]

PETRI BLESENSIS POEMATA.

I. — CANTILENA DE LUCTA CARNIS ET SPIRITUS.

1. Olim militaveram
Pompis hujus sæculi,
Quibus flores obtuli
Meæ juventutis.
Pedem tamen retuli
Circa vitæ vesperam,
Nunc datus operam
Militiæ virtutis.
2. Carnis insolentia
Pugnat contra spiritum
Nec metitur exitum
Vite temporalis :
Sed si juxta meritum
Referuntur præmia,
Miseræ stipendia
Mors erit immortalis.
3. Diu carnem studui

- C Subdere spiritui,
Fame, siti, verbere subjicere :
Nec potuit domari.
Nam addicta voluptati,
Servitutis jugum pati
Detrectat misera ; tunc demum libera,
Si sciret ancillari.
4. Felix illa servitus,
Quæ gebennales genitus
Adimit, et redimit
De manu tribulantis.
Spondet mundus libertatem,
Dans peccandi facultatem
Cujus delicias fugaces fugias,
Et dolos adulantis.
D 5. Mundus et dæmonium
Fidem sanxere mutuam,